



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 42. De Samaritano & Leuita.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

fese pro illis exponens, ita & Christus pro suis electis fecit, & superiores præstare debent sibi subditis, monendo, caueant à laqueis Diaboli, sub alis caritatis & disciplinae continendo, donec proficiant &c.

5. *Relinquetur domus vestra deserta* De templo Hierosolymitano, toto orbe tunc celeberrimo intelligit; quod post Christi passionem omnino relictum ac euerlum est. Nam paulo ante Urbis euerfionem audita sunt, teste Iosepho, voces dicentium: *Migremus hinc*. Idem euenit animæ peccatrici, quam DEVS & Angeli derelinquunt.



MEDITATIO XLII.
DE SAMARITANO ET
LEVITA.

PVNCTA MEDITATIONIS.

- Luc. 10* I. Christo dicente discipulis: *Beati, qui vident, quæ videtis: quidam Legis-Doctor* quarit: *quod sit maximam mandatum?* Resp. *diliges Dominum Deum tuum ex toto corde &c. & proximum tuum, sicut teipsum.*
- II. *Hoc instate; quisnam esset proximus?* Resp. *qui facit misericordiam erga miseros; quod probat adhibita parabola.*
- III. *Cuidam à latrombus in via vulnerato, Sacerdos & Levita transiens opem non tulit, at Samaritanus oleum ac vinum infundens vulneribus, duxit in stabulum eumque stabulario commendauit.*

DOCUMENTA.

1. **B**eati oculi, qui vident &c. Discipuli Christi videbant. 1. oculis corporis hominem ambulantem docentem &c. sed hoc non est satis quia eodem modo videbant eum impij Iudæi atq; inimici eius nec ideo erant Beati. 2. Discipuli videbant oculis fidei eius miracula, & illi credebant; vt factum ait S. Ioannes in Cana Galileæ, vbi crediderunt in eum propter miraculum, & Nicodemus aperte professus est. 3. accedebat in Apostolis **PIVS AFFECTVS**, fidei comes, ob quem dicebat S. Petrus Ioan. 6. Domine, quo ibimus? verba vitæ æternæ habes. Eadem habere debent boni Catholici in rebus fidei. 1. vt mysteria sibi proposita exterius agnoscant. 2. Eadem interius per habitum fidei credant. 3. vt ad eadem afficiantur, putantes, se vere beatos esse, *beatitudine viatoris*, si eis perfecte & ex affectu intimo assentiantur. Pro quo beneficio tibi dato, gratias age, quia multi tale beneficium optarunt, & non sunt consecuti.
2. Inter hæc surrexit Legis peritus à Christo. ex curiositate potius, atque ambitione, quam discendi studio, petens: quodnam esset magnū mandatum in lege?
- Resp. *Diliges Dominum Deum ex toto corde &c.* de quo vide meditationem xxvi. pag. 503. addens secundum huic simile: Diliges proximum, quod exemplo declarat, vt scias caritatem non in verbis, sed factis consistere.
3. In hac aut parabolâ explicatur stultitia, ac miseria peccatoris, modusq; ad perfectam sanitatem veniendi. Vides itaq; quanta fuerit hominis istius imprudentia qui relicta, Ciuitate Sancta Hierusalē, quæ pacis visio dicitur, ita à Deo tunc dilecta, volue-

voluerit descendere in Hiericho (id est , urbem Lunæ) eivitatem à Deo toties maledictam & quidem cum tãto periculo. Maior Impudentia in Christiano , qui Deũ deserens , in cuius gratia erat per baptismum & alia Sacramenta , dat se rebus sensibilibus & mutabilibus huius mundi (quæ est vt Hiericho) mutabilis , maledictus , quatenus à Deo abducat.

4. *Incidit in latrones.* Latrones qui animæ tuæ insidiantur , sunt capitales hostes Dæmon , Mundus , Caro , *vulnera* , sunt peccata tum *Mortalia* , per quæ tollitur gratia , vita animæ : tum *Venialia* , quæ animam foedant , & dedecorant : & quemadmodum latrones incenso desiderio feruntur ad prædas hominũ , transeuntes ex insidiis aggrediuntur , quandoq; se amicos fingunt. Ita hostes tui maximè dæmones , nil aliud desiderant , quam homines mergere in inferitum. Ah quã saepe nil minus cogitans deceptus es , & ex vno peccato in aliud traductus ! cautior ergo posthac sis , & in tam periculoso loco tibi attende.

5. *Abierunt semiuiuo relicto.* Iacuit hic miser tot vulneribus confossus & deformatus , qui nec à Sacerdote vel Leuita transeunte est adiutus , donec veniret Samaritanus , qui in iumentum eleuans , vulnera purgauit vino & oleo , eaq; ligauit & in hospitium auexit. Idẽ etiã animæ tuæ accidit , quando peccatis fauciata : terpet ad omne bonum , adeo vt nec exhortationes , conciones aliaq; exercitia perfectè sanarent : donec verus Samaritanus Christus eã eripit , & per Sacramentum pœnitentiæ (in quo misericordia & pœna adhibetur) vulnera purgans , tali loco statuit , quo perfectè saneris. Hoc ergo stude vt assequaris.

6. *Curam*

MEDITATIONVM. 551

6. *Curam illius habe.* Homini post confessionem factam peccata quidem saepe remittuntur, manent tamen in anima ipsa vel in appetitu pravi habitus, per frequentes actus acquisiti, & in corpore mala dispositiones & inclinationes ad peccatum. De qua re S. Aug. 14, de Trinit. c. 16. *Renouatio ista non momento vno fit ipsius conuersionis: sicut momento vno fit illa in baptismo renouatio remissione omnium peccatorum: neque enim vel vnum quantulumcunque remanet, quod non remittatur.* Primo ergo remouetur causa languentis (per indulgentiam peccatorum) postmodum ipse languor sanatur paulatim proficiendo in renouatione huius imaginis, amorem ad aeterna transferendo: cupiditates frænando, &c.

7. Modus commodissimus perueniendi ad sanitatē est offerre se diuinæ voluntati promptum ad omnia emendanda, tantum suggerat media quæ adhiberi debeant. Quod vt melius intelligatur finge ante te esse tres egros, quorū primus velit quidem sanari, sed nolit adhibere medicinas vllas ob amaritudinem, nec abscissionem vel vstionem membri, aut vulneris propter dolorem. Secundus velit sanari, etiam adhibere medicinas, sed quas ipse probet & iudicet, non eas quæ aptæ sunt morbo v. g. si nolit abstinere. Tertius deniq; se totum medico submittat, vt & diætā imperet & vrat & secet ipsa etiam membra, si opus sit, ita in peccato etiam sanando aliquorum cohabitatio conuersatio &c. tollenda est, vel nihil proficitur (quia manet in statu peccati vel in proxima occasione peccandi. Faciendum hic quod Christus monet *Matth. 5 29. si oculus, id est, amicus vel res tam cara ac oculus, manus,*

pes

*pes scandalizet te. id est, à Deo te trahit ab-
scinde eum & projice abs te, Conclude so-
lum vltimum ex his tribus velle sanari, &
eundem affectum tu indue &c.*



Mat. 25.

MEDITATIO XLIII. DE EXTREMO DIE

IVDICII.

- I. *Dixit Iesus discipulis: cum venerit fi-
lius hominis in maiestate sua cum
Angelis, venient omnes gentes, & se-
parabit eos, &c.*
- II. *Stantibus ad dextram dicet: venite
benedicti; possidete regnum. Esurui
& dedistis (in pauperibus) cibum.*
- III. *Stantibus à sinistris dicet: Ite maledi-
cti in ignē eternum. Esurui & nō de-
distis &c. ibū hi in suppliciū eternū.*

Isa. 2. 10

& 19.

Isa. 26.

21.

Dan. 7.

9. & 14.

PROPHETIAE.

Ingredere in petram, & abscondere à facie
timoris Domini, & à gloria maiestatis ei⁹.

Dominus egredietur &c. terra reuelabit

sanguinem &c.

Aspicietiam, Throni positi sunt.

DOCUMENTA.

- I. **V**enit filius hominis cum Maiestate.
Hanc maiestatem meruit Christus cum
potestate iudicandi, tum per Inarnationem
suam, (*Ioan. 5. quia filius hominis est*) tum